

[Intifada]

Xosé Luís Méndez Ferrín

Nin mel, nin dátiles, nin leite.
Apaña, mozo, pedras
do granito de Derry en Cangas.
Que Rentería che poña vésporas nos ollos.
Alí está a svástica
de David, vergoña.
Que o deserto e os seus xenetes mortos
veña no teu socorro, mozo.
Apaña pedras, fillo,
e quéntaas entre camisola e ventre.
Leve o cantazo
cheiro nas súas micas a árabe colérico.
Non collas, mozo, rosas;
nin as escuras de Damasco nin as macias de Alexandría,
rosas sen arrecendo.
Pilla pedras, adolescente de nardo que non escancia
copas
en ningunha asida.
Érguete, sigue, bate abáteos, insurrecto.
Expulsa a Sión de Celanova,
mozo nacional popular de Palestina escrava.
Nin mel, nin dátiles, nin leite.
Dispara, mozo, pedras.